

INTROD

Lo tsa galeuppe

Li yî eun cou eungn ommo que vardô bièn de vatse a l'eunverna ; tcheu le dzor le pourtô piqué l'erba fritse pe à bièn de lahî. Lo mateun é l'aéprô le-z-ariô, é avouî lo lahî fèijè de beuro é de fromédzo. Eun dzor, mique bèichô a la crotta s'et apesè que deun le tsoidî li yî todzor mouèn de crama. To de suite l'a pensó i rat, mi teteun l'a oulù se catché pe atendre le galeuppe.

To d'eun cou l'a vu euntré pe la pourta eun grou tsatte que, cheur de llu, l'a comenchà a lètché la crama eun pasèn d'an tsoidî a l'otra. L'ommo l'a donque pensó de lèi baillé an boun-a lehòn eun cou pe todzor.

Tan pe comenché l'a eumpli d'ée la tsoidî pi grousa, aprî l'a djoueundu-lèi de faèna pe la fée vin-î blantse comme la crama. Pe fenire l'a betó la tsoidî su eun lan eungn équilibre é l'a atendù. Pocca ten aprî lo tsatte l'è euntró pe la pourta é s'et euntsemin-ó ver la grousa tsoidî mi, drè que l'a pouzó le patte su lo lan, la tsoidî s'è vouidjéye su llu é pai s'è troué catchà dèzò.

L'ommo l'a pofó lo riye é lo pouo tsatte mignaô a po fenî. Drè que l'a pousù chourti de la tsoidî l'è parti la cuya eun l'er, é l'è jamî pi vin-î lapé la crama: l'ommo, bièn contèn, l'a recomenchà a fée son beuro é son fromédzo.



lo gnalèi

Tiré de :

Rita Decime, *Conte pe le petchoù de inque - Contes pour les enfants d'ici — Tome I , Histoires d'animaux*, Musumeci Editeur, Quart (Ao) 1984

Texte inédit - 2009

Collaborateur d'Introd pour les traductions: **Roberto Luboz**

Transcription: Guichet linguistique